

## 廣州市公用局一年來進行之概況

姚觀順

竊查本局依照市政條例。有監督本市公辦及商辦一切公用事業之責。現在除電話改隸大本營管轄。樁度由部管理。電車暫時停駛。廣告批商承辦外。其市內電力，自來水，車，轎，船舶等項。均歸本局專司掌理。盈年以來。雖無建白。而職所應為之事。無不銳意進行。茲將十三年份之實施概況。撮要序述。分別臚列。非敢自詡成績。聯備稽覽而已。

關於取締電力之概況 查本局於十三年一月。督飭電力公司添開新式電機一副。另備水管企式二百三十磅蒸汽壓力七百五十四匹馬力鑊爐兩座。現在共計供電總額。可容二十五火燭光之燈四十六萬九千六百餘枝。全市電燈。已無黑暗之虞。所有衝繁十字馬路之多頭電燈柱安設之四面大鐘。亦經工竣。時刻既可劃一。於市廛實多利便。市政廳報効此項大鐘之中華鐘廠熱心公益。經給予獎額。行局知照。除第一公園裝設新式電燈之外。東山公園亦經裝設新式電燈多枝。以便該處居民遊息。又於十三年三月間。督飭照案擴充花地鹽步等處電燈。緣該處距省約計三十里。仍係該公司專利範圍。未便聽其放棄也。又於本年一月。呈奉核准將電力附加加二辦法。減為加一四征收。俾輕市民負擔。並修正本市安裝電器章程細則。凡電燈少過五十枝及電頭馬力少過五匹者。其由屋外至電表。須用鉛皮仔線。如電燈多過五十枝及電頭馬力多過五匹者。一概電線。須用喉管入之。其電表並用箱封鎖。以杜偷電之弊。倘能逐漸實行。既可

免頻生危險。而公司亦不致虛耗電力。誠良法也。

關於取締自來水不概況 查自來水公司辦理竄敗。無可諱言。本局時虞水源缺乏。不時派員赴水廠巡視汽機壓力。是否達到規定度數。並令飭自來水公司趕速在水廠裝設蒸汽壓力自動記度機。又於水塔安設蓄水量自動記度機。各一具。俾資考核。復恐水質不潔。尤爲衛生大碍。迭經嚴飭將各水池認真洗滌。依期刮沙換沙。務期清潔。以重飲料。該公司對於用戶囑爲裝修喉管。每有故爲延擱之舉。其玩視業務。用戶多有怨言。本局職掌所關。不能不嚴予取締。經呈奉市政廳核定。凡該公司不約束工人。裝修怠惰。一經告發。由局核其情節輕重。酌予處罰。用昭懲誡。此亦整理之一端。本年秋冬以來。天氣亢旱。井泉混濁。本局因維持民命起見。經咨請公安局轉飭消防隊。於每日早晚。酌定時間。監視開放貧民叢居之街道街喉水制。任便取用。在該公司所耗甚微。關係實大。年來市內用戶。已不似從前頻患水荒。未始非本局監督之效。至該公司仍多不良之點。自當隨時督促整頓。庶期補救於將來也。

關於管理船舶之概況 查行駛廣州市河面各種船舶。自劃歸本局掌管。卽由本局照章徵費。編號註冊。給領牌照。而本年一切進行事項。均照向章辦理。仍與去年狀況無甚變更。惟橫水渡餉一項。歷年係番禺縣署抽收。以爲警學費用。本年因統一本市財權。由本局提請市行政委員議決收歸市庫支配。隨經市政廳呈奉省長核准照辦。近日橫水渡捐。已由財政局批商承辦。至電船一項。按照交通規則。凡屬華人所有。均應

## 市 政 公 報

報由本局註冊。繳費給牌。歷經辦理無異。乃年來軍事影響。省河營業電船。常被封借。因此多有求借外力保護。懸掛洋旗者。此誠憾事。查其中固有經過領事承認保護者。而間有未經領事許可而冒認洋商者。亦屬不少。故辦理手續。未免諸多困難。本年十一月間。本局查得有電船數艘係未經駐粵領事承認保護而竟冒認洋商旗號者。當經本局照章從嚴處罰。藉以示儆。嗣後此風或可稍戢矣。至往來省河南北營業電船。前經批准忠信公司認餉承辦。開辦之後。適值軍事方殷。營業毫無發展。而原認餉額。不能不酌予核減。邇來時局。較諸去年似屬甯靖。營業日有起色。以故現時加餉爭承此項營業者。紛至沓來。亦可見本市航業漸有發達之希望也。

關於管理車轎之概況 查本市各種車輛牌照。向係期滿即行到局更換。從前未定時期。紛亂參差。難於稽攷。本年特為規定。各汽車於每年一月為換牌照之期。貨車於二月換牌照。手車於三月換牌照。單車於四月換牌照。馬車於五月換牌照。以資劃一。並於每年每季。將營業手車檢驗一次。遇有破爛。立飭修理。方准行駛。免得觀瞻。本市東沙路轉角處至沙河一帶馬路。壞爛太甚。行車不便。前經禁止各車來往。隨由廣州運貨公司呈請准其通行運貨車輛四駕。每年將收入之款。作為修理該路之費。經奉市政廳核准照辦。本局并令飭各運貨汽車公司。不得用硬膠車輪。免致損壞路面。此亦鄭重交通之要點也。本市肩輿。上年編號領牌。暫不收費。原係一時權宜之計。本年因各車均納費領牌。而肩輿未便獨異。由局提議。從輕收費。旋奉廳核定。由本

### 第一六一號

年七月分起。每肩輿一項。收照費二元。分爲四季繳納。現時多已就範。未敢違抗矣。車轎船舶種類數目。附列清表於后。

#### 廣州市省河屬于公用局管轄船舶數目表

| 種類  | 數目       | 說明  |
|-----|----------|---|
| 搬運艇 | 三千四百六十六艘 | 二十九尺以上列作一等<br>二十三尺至二十六尺列作三等<br>二十五尺以上列作一等<br>一十八尺以下列作三等 |
| 沙艇  | 一千八百二十五艘 | 一十四尺以上列作一等<br>一十四尺以下列作二等                                |
| 大廳艇 | 二千六百五十五艘 | 三十六尺以上列作一等<br>三十尺以下列作三等                                 |
| 挖沙艇 | 九十二艘     | 六十五尺以上列作一等<br>四十六尺至五十五尺列作三等<br>三十五尺以下列作五等               |
| 紫洞艇 | 五十一艘     | 四十二尺以上列作一等<br>一十九尺至三十九尺列作三等                             |
| 妓艇  | 八十二艘     | 三十九尺至三十九尺列作二等<br>不及十九尺列作四等                              |
| 廚船  | 五十四艘     | 不分等   |
| 樓船  | 二十五艘     | 不分等   |

明

# 報 公 政 市

## 廣州市公用局管轄車輛數目表

| 種類   | 輛數      | 說明  |
|------|---------|---|
| 孖船艇  | 三百三十艘   | 一十八尺以上列作一等<br>一十八尺以下列作二等                  |
| 營業艇  | 三百六十三艘  | 一十六尺以上列作一等<br>一十五尺以下列作二等                  |
| 洋舢板  | 二百零九艘   | 不分等                                       |
| 公用電船 | 五艘      | 三十五尺以上列作一等<br>二十五尺以下列作三等<br>二十五尺至三十五尺列作二等 |
| 自用電船 | 六艘      | 全上  |
| 營業電船 | 七艘      | 全上  |
| 公用汽車 | 八十三輛    |   |
| 自用汽車 | 二十六輛    |   |
| 營業汽車 | 一百六十二輛  |   |
| 救火汽車 | 二輛      |   |
| 洒水汽車 | 二輛      |   |
| 手車   | 三百二十八輛  | 內分公用自用                                    |
| 單車   | 一千零五十六輛 |   |

廣州市公用局一年來進行之概況

# 第一六二號

廣州市公用局一年來進行之概況

六

人力貨車 九百九十二輛

分公用  
自營業

八尺以上列作一號八尺以下列作二號

馬車 四十輛

單輪貨車 一百一十二輛

## 廣州市公用局管轄各公司投承人力手車所目表

| 商名   | 輛數      |
|------|---------|
| 利行公司 | 一千二百五十輛 |
| 廣和公司 | 五十輛     |
| 廣昇公司 | 一百輛     |
| 福安公司 | 二百輛     |
| 興發公司 | 一百輛     |
| 榮發公司 | 一百輛     |
| 昌發公司 | 一百輛     |
| 廣源公司 | 一百輛     |
| 榮合公司 | 一百輛     |
| 乾利公司 | 一百輛     |
| 連德公司 | 一百輛     |

|      |   |   |   |
|------|---|---|---|
| 時通公司 | 一 | 百 | 輛 |
| 惠民公司 | 五 | 百 | 輛 |
| 福祥公司 | 五 | 十 | 輛 |
| 合利公司 | 五 | 百 | 輛 |
| 方恰公司 | 五 | 十 | 輛 |

## 廣州市教育局年來進行概況

王仁康

自粵事更新。重整市政。仁康承乏教育。亦越兩載。講貫於干戈之後。補苴於戎馬之間。歲月雖延。成績蓋渺。撫衷滋愧。矧敢告勞。謹就一年以來教育狀況。擇要報告如次。邦人君子。幸垂察焉。

(一)平民教育之推廣 平民教育為補助教育之一種。所以謀救濟一般失學青年。使有求學及增進常識之機會。以助教育之普及。誠為我國現在治標的最需要之教育。環顧本市已過學齡之失學人民。為數不少。自當急謀救濟。推辦平民教育。以資收容。惟茲事體大。個人智慮。容有未周。非策羣力。莫能具舉。因秉承 孫市長意。延請教育名流市政長官及社團鉅子等十一人。組織委員會。共策進行。議決舉辦第一期。並因就學者利便起見。分為甲乙兩組。甲組為平民識字部。開設學校十間。每間可收容失學者一百至五百名。教以